



Protocol da la radunanza cumünala dal cumün da Val Müstair

2. radunanza cumünala 2023, dals 22.11.2023, ad uras 20.00, sala da gimnastica a Sta. Maria

Preschaint:

Presidenta: - Gabriella Binkert Becchetti

Suprastants: - Daniel Pitsch, vicepresidente
- Ivo Lamprecht
- Rinaldo Lechthaler
- Thomas Schadegg
- Chasper Stuppan
- Stephanie Ulayayi

Votants: - 59 (partecipaziun da 5.25 %)

Giasts: - 4 plü Georg Luzzi dal radio rumantsch RTR

S-chüsà: - Isidor Sepp, president da la cumischiun sindicatoria e Gottfried Hohenegger, commember da la cumischiun dal PEM, our da motivs da sandà (grippa) as s-chüsà il manader da finanzas Jan Ruinatscha davo avair preschantà il preventiv

Actuar: - Not Manatschal, manader d'administraziun

1. Salüd / glista da tractandas

Presidenta Gabriella Binkert Becchetti driva la radunanza e spordscha il salüd a las 59 votantas e votants ed als quatter gists chi s'han radunats hoz illa sala da gimnastica a Sta. Maria, per la seguonda radunanza cumünala dal 2023. Cun plaschair po ella comunicar cha la radunanza po hoz gni preschantada cun la nouva infrastruttura dal Beamer, la taila e tuot l'indriz da l'accustica. Ella es persvasa chi's tratta quia d'üna buna investiziun e metta in valur la sala da gimnastica da Sta. Maria sco lö per radunanzas, referats ed otras occurrenzas.

Avant sco inchaminar a l'evasiun da las tractandas giavüscha la presidenta da s'algardar a nossas convaschinas e convaschins chi sun gnüts clamats d'ürant l'on scuors, voul dir da l'ultima radunanza da preventiv dals 24.11.2022 fin hoz, a megladra vita. Quai sun, nomnadaming davo la data dal mortori:

- | | |
|----------------------------|---------------------------------|
| - Gross-Pünchera Jolanda | - Horn-Zuberbühler Richard |
| - Bonanno Maurizio | - Lodge Tanya |
| - Conrad-Ruinatscha Barbla | - Geser Karl |
| - Stöckli-Mirer Johanna | - Pitsch-Dethomas Maria |
| - Krohn-Romberg Marlies | - Oswald-Giovanoli Clara |
| - Pfäffli-Largiadèr Laura | - Hoffmann-Fischer Klara |
| - Cavigelli Clara | - Caratsch Marco |
| - Linsen Ekkehardt | - Federspiel-Stocker Bernadetta |
| - Caratsch Ida | - Schorta Michael |
| | - Fallet-Hellrigl Maria |

In algordanza ed in onur als trapassats s'alvaintan las votantas e'ls votants da las sopchas.

Da l'otra vart po ella eir far l'allegraivla comunicaziun chi ha dat d'urant quist temp las seguaintas naschentschas:

- Fallet Massimo Marco
- Manatschal Leonardo
- Oswald Laurin
- Fallet Lea
- Tschenett Amy
- Horvath Zalan
- Rietmann Andrin

La presidenta conferma chi'd es d'esser ingrazchaivel invers nos Suprem chi ha schanià (fin hoz) a nos cumün da catastrofas e da disgrazchas. Ella es persvasa cha nus pudain esser superbis ed ingrazchaivels da pudair viver in üna natüra ed ün ambiant sco ch'el as preschainta quia in Val Müstair.

La glista da tractandas vain acconsentida sco stat publichà e protramiss in mincha chasada.

2. Tscherna dals dombravuschs

Sco dombravuschs vegnan proponüts ed elets Joela Stuppan e Reto Roussette.

3. Approvaziun dal protocol da la radunanza cumünala dals 24.05.2023

Tenor l'art. 29 da la constituziun cumünala sto il protocol da l'ultima radunanza, in quist cas quel da la radunanza cumünala dals 24.05.2023, gnir expost per l'invista dals votants almain ün mais davo la radunanza, d'urant 30 dis, in chasa cumünala. L'exposiziun d'eira publichada illas tablas d'affischa da las singulas fracziuns. Recuors nu sun entrats, uschè cha'l protocol vala sco acceptà.

8 9 **FINANZAS ED IMPOSTAS**

Approvaziun dal preventiv dal cumün da Val Müstair pel on 2024

La presidenta Gabriella Binkert Becchetti da prelecziun da seis rapport, chi vain surtut in fuorma d'extrat a protocol, cul seguaint cuntgnü:

La fin da l'on 2022 ha il cumün da Val Müstair pudü preschantar ün quint allegraivel. Tuot ils respunsabels da las diversas spartas han quist on cumanzà da s'occupar cul preventiv 2024 dal mais avuost davent, il plan d'investiziun ed eir il preventiv es stat revais plüssas jadas, nus ans eschan consciants cha cun las novas e grondas investiziuns per l'avegnir da nossa Val esa da calcular fich precaut. Vis la situaziun dal l'economia e da la società in Svizra esa greiv da prevenir las entradas chi sun impustüt entradas d'impostas.

Nos preventiv per l'on 2024 es plütost conservativ e consolidà. Nus vain repassà mincha posiziun cun san inolet. Tschertas lavurs da l'infrastructura sco p.ex. las vias illas fracziuns vegnan realisads in etappas, seguond priorità. Il böt dal cumün es eir dad esser ün partenari important per la mansteranza locala, adüna suot la premissa da stuvair congualar las prestaziuns da minchün. Per il cumün es la convivenza cun tuot las spartas, da l'agricultura, a la gastronomia fin a la Lico / Hoppe / Venova chi sun da grond'importanza. Nus vain üna fich buna collavuraziun cun la mans-teranza e nus lessan quattras exprimer ün grond grazia fich per il bun service chi vegn sport d'els.

La suprastanza ha repassà in detagl duos jadas il preventiv. Quai insembel cun noss respun-sabels da mincha sparta, davo eir cun la cumischiun sindicatoria. La suprastanza ha illa sezzüda dals 17.10.2023 acconsenti il preventiv a man da la radunanza cumünala da quista saira. Il preambul esa scrit cha la suprastanza ha decis unanim. Eu sto corregger quist. Pro la votaziun d'eira üna cuntravusch. Fich infuormativ es adüna eir il discuors culs respunsabels dal uffizi da cumüns dal Chantun Grischun, sar Thomas Kolleger e Sar Giachen Caduff. Els perseguiteschan adüna cun grond interess nossas radunanzas, decisziuns e l'andamaint da nos cumün. Positiv da manzunar es nossa buna liquidità, uossa cha'ls fits van in sü es quai üna buna basa per nossas grondas investiziuns.

Tuot il preventiv es publichà sülla pagina d'internet o po gnir retrat in fuorma da palperi al fanest-riegl.

In seguit preschainta il contabel Jan Ruinatscha il preventiv 2024 e da infuormaziuns pro posiziuns specialas, chi divergeschan cun quellas da l'on passà.

Il preventiv muossa il seguaint resultat:

Quint da success

Entradas	fr.	14'792'000.00
Sortidas	fr.	<u>14'537'300.00</u>
Suravanz entradas	fr.	254'700.00

Quint d'investiziun

Entradas	fr.	2'197'500.00
Sortidas	fr.	<u>6'000'000.00</u>
Investiziuns nettas	fr.	3'802'500.00

Aigna finanziaziun (Cashflow) fr. 845'000.00

Deficit da finanziaziun fr. 2'957'500.00

Discussiun:

- Mario Gross-Vollenweider dumonda che chi'd es d'incleger suot l'import da fr. 220'000.00, büdschetà per la piazza da parcar a Süssom Givè.
- La presidenta conferma chi's tratta d'ün proget per metter in valor tuot il plazzal dal parkegi Süssom Givè. Quel fa ün trid aspet. Dürant la stagiun regna quia, sco lö da partenza per bleras turas, grond trafic. Impustüt la sgürtà publica e quella dals peduns nu cuntainta. Insembel cun la Biosfera es gnü fat ün preproget chi'd es i'l fratemp gnü surlavurà dal cumün. L'intent es da s-chaffir üna passarella sur la via chantunala, ün'entrada per la senda da spassegiar chi maina vers la Val Müstair, ameglrdar las entradas illas differentas sendas da spassegiar, cun nouva signalisaziun ed oter plü.

Decisiun:

Cun unanimità accepta la radunanza il preventiv dal cumün da Val Müstair pel on 2024, illa fuorma preschantada.

La presidenta ingrazcha pel votum e per la fiduzcha demuossada. Implü ingrazcha ella als respunsabels dal uffizi da finanzas, al manader Jan Ruinatscha, al collavuratur Ivo Fliri, chi'd es id in settember illa meritada pensiun ed a la collavuratura Joela Stupan, chi ha cumanzà sia lavur pro'l cumün principi avuost. Implü a tuot las collavuraturas e'ls collavuratur dal cumün da Val Müstair, a las cumischiuns, ed als suprastants per lur ingaschamaint a bön dal cumün.

9 2 SCOULAZIUN

Infuormaziun sur dal proget «scoula Val Müstair 2030»

Introducziun da la presidenta, extrat our da seis rapport:

A chaschun da l'ultima radunanza cumünala dals 24.05.2023 vain pudü preschantar argumaints, ideas e la via per il futur per nossa scoula in Val Müstair. I'l fratemp es gnü mis in vigur üna gruppa da proget. La suprastanza ha decis ün tet da cuosts chi'd es in congual cun otras renovaziuns da chasas da scoula realistic. Minchün chi ha fat svesch üna chasa o ün fabricat ha sco prüm bliers giavüschs. Mincha patrun da fabrica as dumonda sch'el as po praistar ün tal abitacul o dit oter, inua pudaina spargnar o müdar ils materials, l'infrastructura ed oter plü, sainza stuvair far grondas concessiuns invers la qualità dal fabricat. Nus eschan pel mumaint in quella fasa – però a la fin da schner 2024 sto gnir preschantà ün proget ed ün credit impegnativ a man da la radunanza cumünala.

Suprastant Thomas Schadeegg, respunsabel pel dicasteri fabrica, preschainta la tractanda ed orientescha sur da:

- Organisaziun dal proget
 - Cumposiziun da la basa strategica
 - Team da proget, sco basa operativa

- Team da planisaziun, cul büro d'architectura Modunità Architects SA da Müstair sco planisadur general
- Stadi dal proget e da la planisaziun

El manzuna cha davu l'orientaziun illa radunanza cumünala dals 24.05.2023 füssa insè stat previs da preschantar hoz la tractanda cun l'acconsentimaint dal credit. Seguond la prüma calculaziun dals cuosts dal büro Modunità SA s'amuntan ils cuosts sün fr. 8.5 miu. ün import chi'd es 70 % sur il tet da cuosts da fr. 5 miu., francà da la suprastanza. Thomas Schadeegg conferma chi s'ha uossa, insembel cun l'architect, la lezcha da surlavurar il proget e d'examinar sco ed ingiò chi's po redüer ils cuosts.

Discussiun:

- David Spinnler, commember dal cussagl da scoula, es da l'avis chi sarà üna gronda sfida da redüer ils cuosts dal proget per 70 %.
- La presidenta conferma cha la qualità da la lavur sto esser garantida. Ella es da l'avis cha fr. 5 miu. es üna gronda somma, per far üna buna lavur. Quai eir davu avoir congualà sanaziuns da scoulas chi sun gnüdas fattas in oters lös, per ün proget in quistas dimensiuns. Per ella sto la cumischiun e l'architect evaluar precis ingiò chi's po spargnar.
- Gian Carlo Conrad manzuna cha la sala - aula ha üna nosch'accustica e chi'd es da ponderar d'ingrondir quella.
- Reto Roussette es da l'avis chi's tratta quia d'ün proget da grond'importanza chi sto gnir elavurà fich minuzius. El vezzess gugent scha la populaziun gnis intretschada illa discussiun, cun ün'ulteriura sairada d'infuormaziun. Plü inavant dumonda el che chi capita cun la chasa da scoula a Sta. Maria.
- La presidenta conferma chi'd es uossa da spettar sün la valütaziun da la cumischiun. Siond cha'l plan da termins es fich stret esa previs da tractandar il credit per la prosma radunanza cumünala chi ha lö fa fin da schner 2024. Plü inavant conferma ella chi sun entradas propostas per la ventura utilisaziun da la chasa da scoula a Sta. Maria.

10 9.45 CHASA PLAZ

Infuormaziun sur dal proget «albiereg da giuventüna - Chasa Plaz»

Introducziun da la presidenta, extrat our da seis rapport:

Daspö trais ons nu vegn la Chasa Plaz plü manada da la fundaziun d'albiereg da giuventüna Svizra SJH. Nus vain gnü la furtüna da pudair dar a fit la chasa al Chantun Grischun, chi spordscha la chasa sco ricover pels fügittivs da l'Ucraina. Duos duonnas indigenas han quia surgni uschè ün piazza da lavur ad uras. Pro la Chasa Plaz as prevezza ün ingrondimaint ed üna sanaziun, però eir da mantegner il "charme" intern ed extern dal abitacul. Per tuot ils duos progets sto il cumün ir in tschercha da sustegns finansials. Per la scoula esa forsa ün pa plü simpel sco per ün'infrastructura turistica – però id es bain cler cha la suprastanza farà tuot il pussibel d'ir in tschercha da las finanzas. Eir quist credit gnarà preschantà pros mamaing in radunanza cumünala.

In seguit preschainta Elio Meier, manader dal uffizi tecnic, il proget.

Motivs per la sanaziun da la Chasa Plaz:

- Daspö l'avrigl 2022 nu vegn l'abitacul plü dovrà sco albiereg da giuventüna.
- L'abitacul es in ün nosch stadi e sto gnir sanà.
- Per gestiunar l'albiereg in ün möd rentabel sto la capacità gnir ingrondida sün 75 lets.
- La Chasa Plaz ha cun sias pernottadas üna grond'importanza per noss'economia.

Il büro d'architectura Mudunità Architects SA da Müstair ha surgni l'incumbenza d'elavurar ün pre proget. La suprastanza ha francà per la sanaziun cumpletta ün tet da cuosts da fr. 3 miu. Seguond prüma stima dal büro d'architectura s'amuntan quels sün fr. 4.5 miu. dimena ün surpassamaint da 50 %.

Discussiun:

- Mario Gross-Vollenweider es da l'avis ch'ün simil proget nu po gnir realisà sainza considerablas contribuziuns sü da la Bassa. Per el ha la relisaziun da la scoula prüma priorità.
- Aldo Pitsch sustegna quist votum. El es da l'avis chi nun es lezcha dal cumün da sanar ün abitacul d'albiereg e da gestiunar quel. El es da l'avis chi douvra ün'otra fuorma, voul dir cun ün portader extern, cun üna collavuraziun per la finanziaziun.
- David Spinnler conferma cha la Chasa Plaz generescha ca. 10 % da las pernottadas in Val ed es uschè üna ferma pozza per l'economia. El suottastricha eir cha la SJH es ün ferm partenari, cun üna gronda rait in tuot la Svizra, e generescha uschè bleras pernottadas.
- La presidenta conferma cha las remarchas sun güstifichadas e cha la suprastanza farà las ponderaziuns correspudentas dalunga cha'l proget es sün maisa. Implü suottastricha ella l'importanza economica da la Chasa Plaz, impustüt per las butias, gastronomia, ils Implants da Sport Minschuns SA ed oter plü. L'intent füs cha'l proget e'l credit pudess gnir preschantà a chaschun da la radunanza cumünala dal rendaquint, la fin dal mais mai 2024.

11 9.00 IMPOSTAS CUMÜNALAS

Fixaziun dal pè d'impostas pel on 2024

Tenor l'artichel 35 da la constituziun cumünala sto l'otezza dal pè d'impostas gnir confermada d'on in on tras la radunanza cumünala. In vista a las investiziuns chi stan davant porta, e'l deficit da finanziaziun büdschetà, propuona la suprastanza cumünala da laschar il pè d'impostas sün la valur actuala, v.d. süls 120 % da l'imposta chantunala simpla.

La radunanza segua cun unanimità a quist votum e conferma il pè d'impostas pel on 2024 culs 120 % da l'imposta chantunala simpla.

12 4.00 OSPIDALS

Approvaziun dal preventiv dal center da sandà Val Müstair pel on 2024

Introducziun da la presidenta, extrat our da seis rapport:

Nos center da sandà es per nossa populaziun sco eir per noss giasts, e daspö ün on eir per ils cas urgiants per nos cumün vaschin da Tuer - üna gronda pozza. La situaziun dals ospidals in Svizra es fich precauta. Nus eschan in stret contact cun la Regiun d'Engiadina Bassa e cul ospidal da Scuol per pudair far valair cha'ls cuosts da tschertas prestaziuns nu sun plü cuvernats. Il Chantun vulaiva fingià redüer ils subsidis pel salvamaint da las regiuns – grazia ad üna proposta da nossa regiun, cun la ferma posiziun da Scuol, vaina pudü evitar quai e'l Chantun ha stuvü reveder sia decisiun. Dumondà es uossa la politica, impustüt quella sül nivel federal. Ün punct es fich important, nos center da sandà, ed eir l'ospidal da Scuol, pon be survivor cun paziants chi dovran nossas structures e nos service medicinal.

Nus eschan superbis d'avair üna tala instituziun, chi spordscha sper il servezzan da sandà eir plazzas da lavur ed ün service public per nus tuots.

Judith Fasser, administratura dal center da sandà, preschainta cun diversas graficas il preventiv per la gestiun dal 2024.

- Entradas da fr. 10'296'745.00 (2023 = fr. 9'779'715.00)
- Sortidas da fr. 11'284'122.00 (2023 = fr. 10'579'230.00)
- Deficit da fr. 186'811.00 (2023 = fr. 64'897.00) Davo la prelevaziun dal chapital d'organisaziun)

Pro posiziuns chi divergeschan cun quellas dal on passà da ella las infuormaziuns da detagl.

Implü infuorma Judith Fasser sur:

- Andamaint dal on curraint:
 - occupaziun in media dals ultims ons, frequenzas pratcha, plü ferm sco l'on avant
 - spitex cun uras da fliamaint chi sun creschüdas,
 - chasa da chüra cun bun'occupaziun,
 - augmoint da personal pro la spitex e la chüra.

- Sguard i'l avegnir:
 - stagnaziun e suotcuvrida pro las tariffas dals ospidals,
 - bunas tarifas pro spitex e chüra,
 - stagnaziun tarif ambulanz,
 - suotcuvrida pro las prestaziuns d'economia collectiva (GWL)

La presidenta conferma cha la suprastanza ha acconsenti il preventiv a chaschun da la sezzüda dals 31.10.2023 e propuona l'acconsentimaint, cun ün grazcha fich a Judith Fasser, a la squadra dals meidis, a tuot il team dal CSVN plü la cumischiun per la lavur prestada.

Discussiun:

Sün ün pêr dumondas generalas dal manaschi, sco la pratcha dal dossier electronic dals paziants (Joela Stupan), collavuraziun cul cumün da Tuer (Arno Lamprecht) e motiv pel svilup da las reservas chi vegnan hoz muossadas i'l bilantsch cun ca. fr. 5 miu. (Mario Gross-Vollenweider) po Judith Fasser dar las respostas. Pro'l dossier electronic dals paziants conferma Judith cha quel nu s'ha, fin hoz, verificà e chaschuna considerabels cuosts. La collavuraziun cul cumün da Tuer funcziuna a cuntantezza. Las reservas han pudü gnir s-chaffidas sün basa dal oblig da metter in quel fondo fr. 25.00 / di da chüra plü 10 % pro cas acut.

Decisiun:

Cun unanimità accepta la radunanza il preventiv dal center da sandà Val Müstair pel on 2024.

13 8.40 BIOSFERA - ORGANISAZIUN

Approvaziun dal preventiv da la Biosfera Val Müstair pel on 2024

In seis plets introductivs manzuna la presidenta, extrat dal rapport:

Per nossa Biosfera es l'on chi vegn fich decisiv. La fin dal mais da schner vegn preschantà e vuschà per la nouva perioda da program 2025 - 2028. Ils progets sun fich variats ed eir importants per l'economia in Val Müstair. Fich bels progets han pudü gnir realisats fin hoz. Per la Val esa cler cha las pozzas, sco il parc da natüra Biosfera Val Müstair, L'UNESCO Biosfera Engiadina Val Müstair e natüralmaing l' UNESCO clostra San Jon sun instituziuns da gronda portada per la Val e la Regiun.

In seguit preschainta David Spinnler, manader da gestiun da la Biosfera, il preventiv. Quel muossa entradas ed expensas in l'import da fr. 1'795'256.00. Cumprais es quia l'import da fr. 165'700.00, d'üna reserva chi's prevezza da schoglier d'ürant la gestiun dal 2024. Implü preschainta David üna survista sco cha quist import vegn scumparti süls differents secturs, vuol dir:

- Mantegnimaint e metter in valur la qualità da natüra e cuntrada	fr. 452'559.00
- Rinforzar ün'economia perdüraivla	fr. 375'368.00
- Sensibilisar per dumondas dal ambiaint	fr. 276'151.00
- Management, sgürar il spazi e la comunicaziun	fr. 572'708.00
- Perscrutaziun	fr. 118'470.00

La presidenta cumünala conferma cha la suprastanza ha acconsenti il preventiv a chaschun da la sezzüda dals 31.10.2023 e propuona l'acconsentimaint, cun ün grazcha fich a David Spinnler, al team da la Biosfera ed a la cumischiun per la lavur prestada.

Decisiun:

Sainza far adöver da la discussiun e cun unanimità accepta la radunanza il preventiv da la Biosfera Val Müstair pel on 2024.

14 8.60 PRODUCZIUN D'ENERGIA

Approvaziun dal preventiv dal PEM pel on 2024

La presidenta üna cuort'introducziun chi tuna:

La situaziun dal marchà da l'energia nun es per furtüna na gnüda uschè dramatica sco quai chi d'eira gnü prognostizà avant ün on. Il PEM ha fat il pass per cumprar aint la forza al dret mumaint e l'augment d'eira amo supportabel in congual cun oters cumüns in nos Chantun.

In seguit preschainta il manader da gestiun Enrico Tschenett il preventiv. Tal prevezza:

- sortidas da fr. 5'203'200.00
- entradas da fr. 5'361'000.00
- avanz da fr. 157'800.00

Implü da Enrico infuormaziuns sur dals progets d'investiziun, cuosts da rait, cuosts da la cumprita d'energia sül marchà, rechav da la vendita sül marchà e la structura da las tariffas.

La presidenta cumünala conferma cha la suprastanza ha acconsenti il preventiv a chaschun da la sezzüda dals 31.10.2023 e propuona l'acconsentimaint. Ella ingrazcha al manader dal PEM sco eir a tuot ils collavuratur/-as ed a la cumischiun suot il presidi da Godi Hohenegger fin settember ed uossa d'Arno Lamprecht per la gronda lavur prestada.

Decisiun:

Sainza far adöver da la discussiun accepta la raundanza unanim il preventiv dal PEM pel on 2024.

15 8.40 BIOSFERA - ORGANISAZIUN

Approvaziun da la revisiun dal contrat da cooperaziun tanter il cumün da Val Müstair, il cumün da Scuol e la fundaziun dal Parc Naziunal Svizzer «UNESCO Biosfera Engiadina Val Müstair»

Introducziun da la presidenta:

Insembel cul Parc Naziunal Svizzer e'l cumün da Scuol (Val S-charl) fuorma la Val Müstair, sco partenari fich important, ün reservat da Biosfera tenor las permissas dal UNESCO. Quist label internaziunal es gnü surdat definitiv dal 2017. Daspö decennis regna üna buna collavuraziun cul Parc Naziunal, chi porta üna gronda plüvalur turistica in tuot la regiun. Davo il resultat negativ da la votaziun da l'ultima radunanza cumünala vaina amo üna jada passà pled culs partenaris e nus eschan gnüts ad üna formulaziun, chi tenor la suprastanza e'ls respunsabels da la Biosfera, sun adattats per nossa ventura lavur cumünaivla.

Artichels pertocs da la revisiun, versiun nouva in culur cotschna

L'art. 6 alinea d tunaiva fin qua:

«Sämtliche Beschlüsse für den Cussagl dal Reservat fassen die Delegierten nach dem **Einstimmigkeitsprinzip** der jeweils anwesenden Delegierten».

La versiun nouva, preschantada illa radunanza cumünala dals 24.05.2023, tunaiva:

«Sämtliche Beschlüsse für den Cussagl dal Reservat fassen die Delegierten in der Regel nach dem Einstimmigkeitsprinzip der jeweils anwesenden Delegierten. Sollte keine Einstimmigkeit zustande kommen, werden Beschlüsse mit der **absoluten Mehrheit** der anwesenden Stimmen gefasst. Bei Stimmengleichheit hat das Präsidium den Stichentscheid. Das Präsidium wird einstimmig gewählt».

Nouva varianta pel artichel 6 d:

«Sämtliche Beschlüsse für den Cussagl dal Reservat fassen die Delegierten in der Regel nach dem Einstimmigkeitsprinzip der jeweils anwesenden Delegierten. Kann bei einem Geschäft die Einstimmigkeit nicht erreicht werden, soll in begründeten Ausnahmefällen, das Mehrheitsprinzip angewendet werden können. Dieser Entscheid liegt beim Präsidium des Biosphärenreservatsrats».

1. Zweck

- Dieser Vertrag bezieht sich auf die gemeinsamen Tätigkeiten der Vertragspartner im Vertragsperimeter, die sich auf den Managementplan (Anhang 1) für das UNESCO-Biosphärenreservat

abstützen. Das Biosphärenreservat besteht räumlich aus der Kernzone (Schweizerischer Nationalpark), der Pflegezone (Val Müstair und Scuol) sowie der Entwicklungszone (Val Müstair und Scuol). *Perimetererweiterungen sind möglich. (frasa abolida)*

- Dieser Vertrag bezieht sich auf die gemeinsamen Tätigkeiten der Vertragspartner im Vertragsperimeter, die sich auf den Managementplan (Anhang 1) für das UNESCO-Biosphärenreservat abstützen. Das Biosphärenreservat besteht räumlich aus der Kernzone (Schweizerischer Nationalpark), der Pflegezone (Val Müstair und Scuol) sowie der Entwicklungszone (Val Müstair und Scuol).

6. Organisation

- Der Cussagl koordiniert insbesondere auf Basis des Managementplans alle Angelegenheiten, die das Biosphärenreservat als Ganzes betreffen. Er erlässt das Markenreglement und wählt die Markenkommision im Zusammenhang mit der Verwendung des Reservat-Labels.
- Der Cussagl koordiniert insbesondere auf Basis des Managementplans alle Angelegenheiten, die das Biosphärenreservat als Ganzes betreffen. Er erlässt das Marken- und Kommunikationsreglement für die Verwendung des Reservat-Labels und kann eine entsprechende Markenkommision wählen.
- Der Cussagl übt die strategische Leitung und die Aufsicht und Kontrolle über die Geschäftsstelle aus. Er erlässt Richtlinien und lässt sich über den Geschäftsgang orientieren. Jedes Mitglied des Cussagls kann Auskunft über alle Angelegenheiten verlangen, welche aus dieser Kooperation hervorgehen.
- Der Cussagl übt die strategische Leitung und die Aufsicht und Kontrolle über die Geschäftsstelle aus. Er erlässt Richtlinien für die operative Geschäftsführung und lässt sich über den Geschäftsgang orientieren. Jedes Mitglied des Cussagls kann Auskunft über alle Angelegenheiten verlangen, welche aus dieser Kooperation hervorgehen.

b) Zusammensetzung

- Der Cussagl besteht aus sieben Mitgliedern und setzt sich zusammen aus dem Präsidium, je zwei Delegierten der Gemeinden Val Müstair und Scuol sowie zwei Delegierten des SNP. Die Delegierten üben in der Biosphären-Organisation, im Naturpark oder im SNP keine operativen Tätigkeiten aus.
- Der Cussagl besteht aus sieben Mitgliedern und setzt sich zusammen aus dem Präsidium, je zwei Delegierten der Gemeinden Val Müstair und Scuol, **wovon je eine delegierte Person je Gemeinde den Gemeindevorständen resp. Gemeinderäten angehören muss**, sowie zwei Delegierten des SNP – **davon muss eine delegierte Person der Eidgenössischen Nationalparkkommission (ENPK) angehören**. Die Delegierten üben in der Biosphären-Organisation, im Naturpark oder im SNP keine operativen Tätigkeiten aus.

c) Präsidium

- Der Präsident resp. die Präsidentin wird vom Cussagl gewählt. Die Amtsdauer beträgt 4 Jahre. Eine Wiederwahl ist möglich. Ein/e Delegierte/r des SNP übt die Funktion des Vizepräsidiums aus.
- Der Präsident resp. die Präsidentin wird vom Cussagl gewählt. Die Amtsdauer beträgt 4 Jahre. Eine Wiederwahl ist möglich. **In der Regel übt ein/e Delegierte/r des SNP die Funktion des Vizepräsidiums aus.**

e) Sitzungen

- Der Cussagl trifft sich auf Einladung des Präsidenten oder die Präsidentin, bei deren Verhinderung des Vizepräsidenten resp. der Vizepräsidentin, sooft es die Geschäfte erfordern, jedoch mindestens zweimal im Jahr zur Sitzung. Jedes Mitglied kann, unter Angabe des gewünschten Verhandlungsgegenstandes, schriftlich die Einberufung einer Sitzung des Cussagls verlangen. Das gleiche Recht steht auch der Geschäftsstelle zu.
- Der Cussagl trifft sich auf Einladung **des Präsidiums**, bei deren Verhinderung des Vizepräsidenten resp. der Vizepräsidentin, sooft es die Geschäfte erfordern, jedoch mindestens zweimal im Jahr zur Sitzung. Jedes Mitglied kann, unter Angabe des gewünschten Verhandlungsgegenstandes, schriftlich die Einberufung einer Sitzung des Cussagls verlangen. Das gleiche Recht steht auch der Geschäftsstelle zu.

- Die Einberufung erfolgt im Normalfall schriftlich unter Angabe der Traktanden mindestens 14 Tage vor der Sitzung. Der Präsidenten oder die Präsidentin, bei deren Verhinderung des Vizepräsidenten resp. der Vizepräsidentin führt den Vorsitz. In der Regel nehmen die Mitglieder der Geschäftsstelle sowie die operativen Verantwortungsträger des Naturparks sowie des SNP an den Sitzungen des Cussagls mit beratender Stimme teil. Punktuell können bei Bedarf weitere Personen eingeladen werden.
- Die Einberufung erfolgt im Normalfall schriftlich unter Angabe der Traktanden mindestens 14 Tage vor der Sitzung. **Das Präsidium, bei dessen Verhinderung das Vizepräsidium** führt den Vorsitz. In der Regel nehmen **die operative Leitung des Regionalen Naturpark (RNP)** sowie des SNP an den Sitzungen des Cussagls mit beratender Stimme teil. Punktuell können bei Bedarf weitere Personen eingeladen werden.

Geschäftsstelle

- b) Die Geschäftsstelle bereitet die zu behandelnden Geschäfte vor. Sie unterstützt den Cussagl bei der Umsetzung der gefassten Beschlüsse.
- b) Die Geschäftsstelle bereitet die zu behandelnden Geschäfte vor. **Sie setzt die gefassten Beschlüsse des Cussagl um.**
- c) Weitere Aufgaben (vgl. Anhang 3; Pflichtenheft).
- c) Weitere Aufgaben **sind im Pflichtenheft hinterlegt** (vgl. Anhang 3)

Finanzen

- a) ~~Die für das jeweilige Gebiet zuständigen Trägerschaften führen für diese unverändert eigene Betriebsrechnungen, soweit es sich nicht um Belange handelt, welche das Biosphärenreservat als Ganzes betreffen. (wird ersatzlos gestrichen)~~
- b) Die Kosten der Geschäftsstelle und die übrigen Aufwendungen, welche das Biosphärenreservat als Ganzes betreffen, werden zwischen den drei Vertragsparteien zu gleichen Teilen aufgeteilt.
- b) Die Kosten der Geschäftsstelle und die übrigen Aufwendungen, welche das Biosphärenreservat als Ganzes betreffen **und nicht durch Drittmittel abgedeckt sind**, werden zwischen den drei Vertragsparteien zu gleichen Teilen aufgeteilt.

Dauer und Austritt

- Der vorliegende Vertrag gilt für eine feste Dauer von 5 Jahren, beginnend ab dem 1. Januar 2024.
- Der vorliegende Vertrag gilt für eine feste Dauer von 5 Jahren, beginnend ab dem 1. Januar 2024. **Ohne Antrag auf Änderung oder Kündigung jeweils 6 Monate vor Ablauf des Kalenderjahres verlängert sich der Vertrag um jeweils 1 Jahr.**

Discussiun:

- Thomas Brülisauer, president da la cumischiun da la Biosfera, conferma cha la fatschenda es gnüda trattada illa cumischiun da la Biosfera. In quella esa gnü confermà:
 - cha'l parc da natüra es ün ferm partenari;
 - cha pro repetidas decisiuns a disfavur da la Val Müstair as po desdir il contrat;
 - chi'd es da far ün pass invers ils partenaris;
 - cha la cumischiun propuona da dir da schi per la revisiun dal contrat da cooperaziun, sco preschantà quista saira;
- Hansjörg Weber manzuna cha la missiva es gnüda formulada in ün möd inclegiantaivel e ch'el va d'accord cul cuntgnü da quella. El es però stat stut dals artichels illas medias in connex cun seis votum illa radunanza cumünala dals 24.05.2023, ingiò ch'el ha tanter oter eir s'externà in quel sen cha'l cumün da Val Müstair ha stuvü ceder d'ürant ils ultims ons l'uffizi fundiari e'l stadi civil, chi vegnan hoz manats sur la Regiun EB / VM a Scuol. Cha quist votum vain commentà sco fos es per el ün rimprover, ch'el nu po laschar valair, siond ch'el correspuonda a la situaziun sco ch'ella as preschainta hoz, culs uffizis in Engiadina Bassa.
- La presidenta manzuna cha'ls motifs per la perdita da quists duos uffizis sun cuntschaints ed eir circumscripts illa missiva. Ella conferma cha la Regiun EB / VM es ün bun e fidà partenari.

Dals votums chi's po acceptar la varianta modifichada e chi's po hoz dir da schi a la revisiun dal contrat da cooperaziun es ella satisfatta.

Decisiun:

Cun unanimità accepta la radunanza la revisiun dal contrat da cooperaziun tanter il cumün da Val Müstair, il cumün d Scuol e la fundaziun dal Parc Naziunal Svizzer « UNESCO Biosfera Engiadina Val Müstair » sco preschantà quista saira.

16 8.40 BIOSFERA - ORGANISAZIUN

Approvaziun da la revisiun dals statuts da la Biosfera Val Müstair

Introducziun da la presidenta:

La versiun actuala dals statuts dal parc da natüra ha muossà illa lavur cun la cumischiun strategica, cha füss da far ün per adattamaints. Per lavurar in üna cumischiun esa eir important da dar üna tscherta libertà in mincha segmaint da la chosa. Davo avair lavurà divers ons cun quists statuts, ed eir culs adattamaints pro'l reservat da l'UNESCO esa stat necessari da surlavurar eir quists statuts dal parc da natüra.

Il manader da gestiun da la Biosfera, David Spinnler, declera ils motivs per la revisiun:

- Revisiun dal contrat da cooperaziun per l'Unesco Biosfera Engiadina Val Müstair UBEVM (tractanda güsta avant)
- Il CdVM ha reglà sia rapreschantaziun per l'UBEVM i'ls statuts dal Parc da natüra Biosfera VM
- La rapreschantanza dal CdVM i'l gremi strategic da l'UBEVM müda culla revisiun dal contrat – uschè cha quai sto eir gnir adattà i'ls statuts da la Biosfera Val Müstair
- La cumischiun da la Biosfera VM e la suprastanza cumünala propuonan ultra da quai amo 2 otras müdadas

Las müdadas in detagl, versiun nouva in culur cotschna:

Rapreschantanza i'l Cussagl UBEVM

Artichel 10, alinea 1

Versiun actuala: Ein Mitglied der Biosferakommission (möglichst der Präsident) nimmt gemeinsam mit dem Geschäftsführer der Biosfera Val Müstair Einsitz im Biosphärenrat Unesco Biosfera Val Müstair – Parc Naziunal.

Versiun nova: Ein Mitglied der Biosferakommission (möglichst der/die Präsident:in) nimmt **gemeinsam mit dem Gemeindepräsidenten oder dem Mitglied des Gemeindevorstands der Cumün da Val Müstair, welches das Ressort Biosfera betreut, Einsitz im Biosphärenreservatsrat der Unesco Biosfera Engiadina Val Müstair. Die Geschäfts-führung der Biosfera Val Müstair nimmt mit beratender Stimme an den Sitzungen des Biosphärenreservatsrats der Unesco Biosfera Engiadina Val Müstair teil.**

Conferma dals commembers da la cumischiun da la Biosfera

Artichel 8, alinea 1 (lezchas da la suprastanza cumünala)

Versiun actuala: Wahl der Interessensvertreter auf Antrag der jeweiligen Interessens-gruppe in die Biosferakommission für die Amtsdauer der Programmperiode.

→ strichar

Per la paja nov: Artichel 9 – la cumischiun da la Biosfera: Die Kommission konstituiert sich selbst. Das Präsidium wechselt alle 4 Jahre. **Es besteht ein Ausschuss, der sich aus dem Präsidenten der Biosferakommission, dem Vertreter des Gemeindevorstands in der Biosferakommission und dem Geschäftsführer der Biosfera Val Müstair zusammensetzt. Dieser Ausschuss bestätigt die Interessensvertreter auf Antrag der jeweiligen Interessensgruppe in die Biosferakommission für die Amtsdauer der Programmperiode.**

Cumischiun da label

Artichel 11

Versiun actuala: Die Labelkommission setzt sich aus mindestens 4 Mitgliedern zusammen. Sie soll aus Vertretern der Biosferakommission, der Geschäftsstelle und aus Experten zum Themenbereich Zertifizierung bestehen.

Versiun nova: Die Labelkommission setzt sich aus mindestens 4 Mitgliedern zusammen. **Bei Stimmengleichheit gilt ein Antrag als abgelehnt. Es herrscht Stimmzwang. Die Labelkommission** soll aus Vertretern der Biosferakommission, der Geschäftsstelle und aus Experten zum Themenbereich Zertifizierung bestehen.

Pro l'artichel 7/6 es gnüda müdada la nominaziun da «UNESCO Biosphärenreservats» sün **Unesco Biosfera Engiadina Val Müstair** (vair tractanda nr. 11)

Müdà vegnan eir las datas da l'acconsentimaint e da l'entrada in vigur.

Discussiun:

- Hans-Peter Schreich ha constatà i'l statut da la Biosfera diversas passadas chi stuvevan gnir surlavuradas. I's tratta d'üna proposta per müdamaints redacziunals, pro'ls seguaints artichels, extrat da Hans-Peter Schreich:

Art. 6

3. Die Biosferakommission ~~der Biosfera~~

5. Die ~~Kontrollstelle~~ (Revisionsstelle) analog art. 10 al. 15, art. 15

Nouv: 5. Die Geschäftsstelle (=art. 13-14!)

analog: art. 10 al.8, art. 11+14

- Art. 8, al. 5 = Geschäftsstelle
- Art. 10, al. 11 = Geschäftsstelle
- Titel sur art. 13 = Geschäftsstelle
- Vegl art. 6 al. 5 = nouv art. 6 al. 6

(I füss natüralmaing da stübgjar cha «Geschäftsstelle» nu stess figüRAR aint illa ierarchia avant las «Kommissionen»)

Art. 7

6. strichar! Art. 6 regla las cumpetenzas da la radunanza cumünala invers il **parc da natüra!**

Tuot las otras cumpetenzas sun **fingjà regladas illa constituziun cumünala art. 35! (al. 10** "... decider sur da la collavuraziun cun oters cumüns e corporaziuns sco eir cun instituziuns regiunalas.")

Ün artichel supplementar chi regla la cumpetenzas da la radunanza cumünala vers il **UNESCO reservat** füss quia formalmaing al fos lö.

Art. 8

2. Wahl des ~~Leiters~~ der Biosfera > Geschäftsführers, analog art. 9, 13, 14

Dapertuot nomnar il listess post o la listessa persuna adüna culla listessa noziun!

- La presidenta ingrazcha per quistas objecziuns chi sun güstifichadas. Siond chi's tratta da müdamaints redacziunals, e nun han influenza sül cuntgnü dal statut, pon quellas gnir fattas sainza l'acconsentimaint da la radunanza cumünala. L'administraziun da la Biosfera e l'administraziun cumünala s'intermettan per las correcturas manzunadas.

La radunanza va d'accord cun la proposta da Hans-Peter Schreich e cun l'andamaint.

- Aldo Pitsch dumonda regard lezcha da la junta (Ausschuss, art. 9) chi es nouv l'organ chi elegia, sün proposta da las gruppas d'interess, ils commembers da la cumischiun. Fin qua d'eira quai illa cumpetenzas da la suprastanza.
- La presidenta conferma chi s'ha vulgü tour davent quista lezcha da la suprastanza. La junta conferma ils rapreschantants da las gruppas d'interess illa cumischiun da la Biosfera, per la dürada da la perioda da program.

Decisiun:

Unanim accepta la radunanza la revisiun dal statut da la Biosfera, sco preschantà quista saira.

13. Varia

Infuormaziuns da la presidenta:

Sviamaint da Sta. Maria:

Davo cha nus vain surgni il rapport negativ da las cumischiuns da Berna vaina s'indreschi per infuormaziuns in oters cumün chi han eir ün center suot protecziun dal ISOS. Il cusglier da la chombra pitschna a Berna, sar Jacob Stark (PPS) ha inoltrà üna moziun chi es statta valütada dal cussagl federal sco valida. Per dar ün purtret da las consequenzas per Sta. Maria vaina spedi üna charta ed e-mails a la cumischiun UREK ed a tuots ils commembers dal cussagl naziunal, insembel cun ün video chi muossa l'ambulanza chi d'eira bloccada i'l trafic immez la fracziun. Quai per motivar l'urgenza dal sviamaint ed abolir la pussanza da las cumischiuns. Id es gratià – eir cul grond sustegn da la Uniun Svizra da la mansteranza SGV e da tuot il partits burgais. Parallel da quai s'intermetta il Chantun per las ulteriuras propostas da la cumischiun ENHK. In schner 2024 ha lö üna sezzüda da la cumischiun implementada. Davo ston ir las variantas per ün'examinaziun preliminarà giò Berna. In mincha cas es eir il cusglier federal, sar Albert Rösti, sül curraint. Nos böt sto esser, d'inziar i'l prüm quartal 2024 ils ulteriurs pass culs uffizis correspondents. Nus restain in mincha cas landervia ed eschan adüna amo persvas, cha'l sviamaint vegn!

Novitats dal güdisch federal, Alp Sprella:

Posta dischagreabla vain surgni dal güdisch federal. Il plont as rechatta fingià sur ün on a Lausanne. La posiziun davart dal BAFU e da l'ARE es clera e precisa. Per l'üna cuntrafà, tenor las indicaziuns, ün permis dad BAB cunter ils interess da la protecziun da natüra e cuntrada, per l'otra cunter la ledscha da la planisaziun dal territori (genannt Standortgebundenheit). A basa da quista situaziun da partenza sto il cumün, insembel cul SAC, güdichar la situaziun da nouv. Il cumün e l'SAC pon uossa amo üna jada inoltrar las ponderaziuns o argumaints, però i sarà da spettar sün üna resposta negativa dal güdisch federal. Per la suprastanza es üna cuntinuaziun retardada, colliada cun cuosts giuridics, suot quistas cundiziuns, degna da gnir perseguitada.

Minschuns / La Sassa:

Sco comunichà in october vaina surgni glüm verda da la vart da nossa regenza, cun tscherts obligs, per l'innaivaziun per Minschuns. Quist es ün pass inavant. Pendent es amo il recuors cunter la planisaziun da la Sassa dal on 2019. I da quia amo passadas chi nu vegnan acconsentidas da las organisaziuns da l'ambient. Il cumün es da l'avis cha nus stuvain tscherchar ün'ulteriura jada il discuors cun las instituziuns. Quel varà lö la fin dal on. Scha nus nu rivin quia al böt sto il cumün trar inavant il cas davant il güdisch chantunal, per avair ün parair. Quist nu füss üna buna soluziun siond cha la procedura giuridica es fich lunga.

Solar Express

Avant ün on ha gnü lö quista discussiun a la radunanza cumünala – sün dumonda d'Aldo Pitsch. Cun gronda persvasiun ha il PEM cumanzà da lavurar oura ün proget, voul dir surdat ad ün büro da consultaziun dal Puschlav. Il cumün ha sustgnü quist'idea d'ün parc solar illa Vallatscha. Il muossavia dal Chantun d'eira cuntschaint la fin da gün. La ditta externa ha pers üna pruna temp cun diversas ideas, sainza avair passà pled cun oters specialists sco per exaimpel las dittas tecnicas chi cugnuoschan il proget da Scuol Solar. Quists indrizs solars sun relativamaing novs süllas muntognas e la ditta ha negligi las seguaintas dumondas:

1. **Grondezza:** il büro ha fat oura üna grondezza dal implant total massa pitschna, quai voul dir, per profitar da las contribuziun dal Solar Express füssan da far amo 2/3 la da grondezza dal implant sün Vallatscha, cun la consequenza cha la visibilità davent dal Pass dal Fuorn füss fich gronda. As basond sün quista surfatscha chi'd es massa pitschna sun eir gnüdas fattas las valütaziuns dal UVB per las valurs da la natüra. In settember mancaiva il temp per far tuot la lavur e'ls sclerimaints.

2. **UVB:** Ha confermà chi da üna cuntradiciun cun la fauna e flora in contuorns da la Vallatscha. Ils resultats cha'l cumün ha surgni in settember han muossà chi's tratta quia d'üna zona cun plantas protettas. Ils recuors d'eiran dimena programmats. Per far discussiuns da cumpensaziuns d'eira tuot massa tard.

3. **Cuosts:** Ils cuosts previs dal büro d'eiran cun fr. 20 miu. massa bass, cun la nouva grondezza füssa stat da quintar cun cuosts da fr. 40 miu. insü. Il PEM ed il cumün sun – in vista da las investiziuns previssas a böen da nosssa populaziun hoz fingià a la limita per finanziar quels cuosts e per ir in tschercha da la munaida mancanta. Eir cun 60 % da la Confederaziun nun esa fat.

Fazit: Davo avair consultà per ex. Scuol solar vaina stuvü constatar, cha nossas lavurs preliminaras nun sun gnüdas fattas sco chi füss stat necessari. Cun ün investur / partenari, i'ls quals sun gnüts contactats davart dal cumün, nu füss quai capità. Però eir quels sun fich precauts dalunga chi'd es da far quint cun recuors. Uschè ha la suprastanza, insembel cun la cumischiun dal PEM, decis da retrar dal büro l'incumbenza e la collavuraziun e da metter il "Solar-Express - Vallatscha" ad acta. Suot la direcziun dal cumün, i'l rom dal label da la « cità d'energia » vegnan analisadas ed evaluadas las pussibilitats da tets, mürs ed oter plü in Val chi pudessan gnir munits cun indrizzs solars. Quistas lavurs per avair ün concept d'energia solara vegnan scrits oura al principi dal on 2024. Quai eir per pudair profitar dal « Green Deal ».

Discussiun / dumondas "Solar-Express":

- Aldo Pitsch deplorescha cha quista dumonda nun es gnüda elavurada in ün möd cumpetent. El mancanta chi nu s'ha, sco pro oters progets dal Solar-Express, p.ex. Scuol, collavurà cun ün partenari grond, chi ha la cumpetenza e las resursas chi douvra per elavurar ün simil proget da maniera ch'el po gnir preschantà al pövel e lura eir a las instanzas. El es eir da l'avis cha la collavuraziun tanter PEM e cumün nun han funcziunà sco cha quai füss stat necessari, e sco chi'd es la tenuta francada i'l statut dal PEM. Plü inavant deplorescha el cha'l cumün ha spettà cun sia intervenziun massa löng. Perquai sias dumondas:
 - consequenzas davart dal cumün;
 - cura vain la radunanza orientada da la strategia d'energia dal PEM;
 - collavuraziun PEM – cumün da Val Müstair nun es sufficiainta;
 - esa pussibel ch'ün manader da gestiun po decider cun chenün president ch'el voul lavurar;
 - resposta sün las dumondas;
- La presidenta as referischa sün sias remarchas fattas qua survart e conferma cha'l PEM es ün'instituziun dal dret public dal cumün da Val Müstair. Ella manzuna cha davo tuot las trattativas in connex cul Solar-Express as sto hoz constatar ch'üna realisaziun sco previs nun es pussibla. Quai our dals aspets manzunats da la protecziun da l'ambient, las finanzas e la mancanza d'ün partenari. Las ponderaziuns sco chi's po prodüer energia d'inviern ha amo adüna priorità, uossa però cul plan "B", voul dir cun sclerimaints chi ston gnir fats per prodüer energia solara sün tets e fatschadas d'abitaculs in Val. Trattativas cun partenaris plü gronds, chi han gnü uraglias avertas per quists intents, han gnü lö. La presidenta suottastricha ch'ella vezza quia eir ün grond potenzial chi sto gnir trat a nüz, eir in vista al fat cha'l cumün as po nomnar "cità d'energia". Ils contacts sun fats ed avantman. Sur da resultats ed andamaint gnarà lura orientà a temp ütil.
- Arno Lamprecht, als 17.10.2023 elet da la suprastanza sco nouv president da la cumischiun dal PEM, constata cha la tematica dal "Solar-Express" es fich actuala in tuot la Svizra. Las pretaisas per surgnir l'acconsentimaint da las instanzas sun fich restrictivas ed i sarà bain probabel cha a la fin dals quints gnaran realisats be pacs progets. Il PEM ha eir vulgü far alch per l'indipendenza dal provedimaint d'energia d'inviern e surdat al büro extern l'incumbenza da far ils stüdis. La lavur es gnüda fatta, però sün basas chi nun han gnü schanzas da surgnir l'acconsentimaint. D'eira previs üna surfatscha da panels da ca. 10 ha sto quella gnir ingron-dida sün 30 ha. Ils cuosts s'han uschè augmantats da ca. fr. 20 miu. sün ca. fr. 50 miu. L'ex-posiziun e la montascha dals panels es gnüda preschantada sün palperi. Ils specialists invezza s'han referi sün la cuntrada. Sch'ün proget aves pudü gnir realisà suot quistas premissas, cun l'acconsentimaint da la populaziun e da las instanzas, d'eira fich dumondativ. Plü inavant conferma el cha'l PEM nun ha mis ad acta il tema "solar". Sco chi'd es gnü signalisà da las instanzas daja contribuziuns eir per progets plü pitschens.
- La presidenta conferma in quist connex cha la fiduzcha dal cumün invers il büro extern, chi ha surgni dal PEM il mandat, nun es plü avantman e chi nu til gnarà dat in avegnir ingünas incumbenzas.
- Arno Lamprecht manzuna eir cuort ils motifs pel cambi dal presidi. Il manader da gestiun, Enrico Tschenett, e'l president da la cumischiun, Gottfried Hohenegger han gnü

discunvgnaints e divergenzas pro dumondas da la guida dal manaschi. Per evitar la desditta d'Enrico, e per garantir l'andamaint dal manaschi, han els e la cumischiun chattà per bön cha Gottfried as retira dal presidi, resta però amo fin la fin da la legislatura illa cumischiun, cul nouv presidi suot sia persuna.

Svilup da l'economia in Val Müstair per nos futur:

Abitaculs da büro: PEM e Chasa cumünala Sta. Maria

Il center da sandà ha massa paca piazza. Per güdar illa situaziun difficila, ed al medem mumaint na dar oura munaida per tour a fit büros da dittas privatas, ha il PEM offri ad ün predsch fich modest las localitats da büro chi d'eiran vödadas al center da sandà. Quista soluziun provisorica es fich bainvissa e tuot la munaida circulescha uschè in interpraisas dal man public.

Caprez Ingenieure:

Cun grond plaschair pudain salüdar üna nouva ditte in Val Müstair. Nus vain pudü far giò ün contrat da fittanza per il büro da cumün illa chasa cumünala a Sta. Maria. La ditte Caprez indschegners, daspö 50 ons activ sül marchà in tuot la Svizra, cun 7 büros e cun Jon Erni (fundatur mia Engiadina) chi es il president administrativ, driva pro nus a partir dals 01.01.2024 üna filiala cun impiegats. Per nossa populaziun, ma eir pels architects da la Val ed eir noss uffizis sco tecnic, fabrica e forestal, es quist üna gronda opportunità, pervi cha nus nu vain hoz plü ingün indschegner cun ün büro in Val. Nus giavüschain als respunsabels tuot il bun pro nus e sperain cha la populaziun piglia nüz quista nouva sporta.

Survista da las occurrenzas 2024:

- 1. Festa chantunala da tir Grischun 2024:** La festa da tir chattà lö in tuot las Valladas dal Süd, inclus Moesa e cumainza als 14 gün. Ella s'extenda sur trais fins d'eivna. I's po far quint cun blera glied. Tuot las entradas van a bön da las societats da tregants. Fat quint vegn cun ca. 7'000 tregants/-as. Pro ün'occurrenza da quista grondezza esa eir da far quint cun emissiuns da canera. Cul plan da tir vain però provà da tour resguard .
- 2. Donnschtig Jass:** Grazia a l'iniziativa da Riet Scandella, president da la giuventüna da Müstair, han ils organisaturs dal SRF surgni nossa candidatura per far üna sairada in piazza cun jass e musica. Medem'idea han gnü ils cumüns da Zernez, Scuol e Samignun. Ils respunsabels han fat üna visita oculara in october in tuot la regiun. Uossa esa cler, il cumbat dal jass chatta lö tanter Zernez e Val Müstair. Per nus füss l'occurrenza previssa pels 11.07.2024, sülla piazza davant la scoula da Müstair. Avant stuvev la Val però guadagnar cunter Zernez e quai als 04.07.2023 a Seengen ill'Argovia. La sfida sarà d'organisar tuot bain ouravant – però eir scha'l cumün nu's qualifichescha pudaina in mincha cas far ün pa festa. I sarà da far üna concurrenza interna per delegar ils "meglders giassists/-as giò la Bassa.
- 3. Festa per ils 500 ons da la trais lias dal Chantun Grischun**
Sül la dumonda dal Chantun ha il cumün dat la disponibilità per quista festa fich importanta. La suprastanza ha, insembel culs respunsabels da la festa da la racolta, s'abinà da festagiar quai suot l'insaina da la festa da la racolta dal principi d'october 2024.
- 4. Festa per la presidenta dal Grond cussagl**
Il president dal Grond cussagl es quist on Franz Sepp Caluori e la vicepresidente es Silvia Hofmann. Ella gnis lura presidenta a la fin dal mais avuost 2024. Ella ha sias ragischs in Val ed ha dumandà a la suprastanza schi füss pussibel da far la festa, resalv l'elecziun, in sia stretta patria. Subit ha la presidenta gnü üna sezzüda cun ella per sclerir dumondas da detagl. La suprastanza va d'accord cun l'intent da duonna Silvia. Per la Val füss quai üna gronda onur da festagiar la presidenta dal grond cussagl. Nus eschan landervia da sclerir scha'ls cuosts vegnan surtuts dal Chantun, üna cundiziun per l'organisaziun. Ulterioras infuormaziuns seguan a temp ütil.

Ad uras 23.15 po nossa presidenta Gabriella Binkert Becchetti serrar la radunanza. Ella ingrazcha per la cumparsa e per l'inclotta demuossada quista saira. Ün grazia drizza ella a nos pedel Beat Solinger pel drizzar aint la sala e la guida da la tecnica. Implü ingrazcha ella als collegas da la suprastanza e tuot las cumischiuns per la lavur prestada d'urant l'on scuors, a nos collavuraturs/-as, a la magistraglia e a vus tuots, a la populaziun da la Val Müstair, per vossa bainvuglientscha.

« Eu giavüsch a Vus tuots üna bun arriv a chasa, ün fich bel temp d'Advent, üna bella festa da Nadal e fingià hoz ün bun di e bun. »

La presidenta:

L'actuar:

.....
Gabriella Binkert Becchetti

.....
Not Manatschal